

萬善同歸集卷第六

郡五

故華嚴經云偏修理則滯寂偏修智則無悲偏修悲則染習便增但發願則有為情起故菩薩以法融通不去不取圭峯禪師云師資傳授須識樂病承上方便皆須先開示本性

郡五

方令依性修禪性不易悟多由執相故欲顯性先湏破執破執方便湏凡聖俱泯功業齊祛使心無所著方可修禪後學淺識便執此言為究竟道又以修習之門人多放逸故後廣說欣厭毀責貪瞋讚歎勤苦調身調息入

道次第後人聞此又迷本覺之用便一向執相滯教違宗又學淺之人或祇知離垢清淨離障解脫故毀禪門即心是佛或祇知自性清淨性淨解脫故輕於教相持律坐禪調伏等行不知必湏頗悟自性清淨性淨解脫漸

所引祖教了然但以所非者破其執離性之相而生常見離相之性成其斷滅或有所讚者乃是了即相之性用不離體即性之相體不離用故知相是性之用性是相之體若欲讚性即是讚相若欲毀相祇是毀性云何妄起取捨之心而生異見若入一際法門則毀讚都息問如上<sup>印</sup>意祇據今時多取理通少從事習皆稱玄學離物超塵佛果尚鄙而不修片善豈宗而當作未審上古事總如然請更決疑免墮邪網答前賢往聖志大心淳究

理而畧刻不忘潛行而神靈罔測時夕如臨深履薄射證自然足救頭重實而不重虛貴行而不貴說涉有而不住有行空而不證空從小善而積殊功仗微因而成大果今時則劫濁時訛志微根鈍我慢垢重懈怠障深一

部五

二

行無成百非恒習乘戒俱喪理事雙亡墮無知坑坐黑暗獄不達即事即理之旨空念破執破病之言智者深嗟愚人倣倣既成途轍頓奪尤難是以廣引祖佛之深心備彰經論之大意希悛舊執庶改前非同躡先聖之遺

之大城往返塵勞周旋五趣不休不息無始無終未來窮而不窮虛空盡而無盡仰惟佛眼證此微誠普為群靈敘述茲集問上上根人頓悟自心還假萬行助道熏脩不倦圭峯禪師有四句料簡一漸修頓悟如伐樹片片

漸斫一時頓倒二頓修漸悟如人學射頓者箭箭直注意在的漸者久久方中三漸修漸悟如登九層之臺是復漸高所見漸遠四頓悟頓修如染一縷絲萬條頓色上四句多約證悟惟頓悟漸修此約解悟如日頓出霜露

部五

三

漸消華嚴經說初發心時便成正覺然後登地次第修證若未悟而修非真修也惟此頓悟漸修既合佛乘不違圓旨如頓悟頓修亦是多生漸修今生頓熟此在當人時中自驗若所言如所行所行如所言量窮法界之邊

心合虛空之理八風不動三受寐然種現雙消根隨俱盡若約自利則何假萬行勲修無病不應服藥若約利他亦不可廢若不自作爭勸他人故經云若自持戒勸他持戒若自坐禪勸他坐禪智論云如百歲翁翁舞為教授兒孫故先以欲鈎牽後令入佛智如或現行未斷煩惱習氣又濃寓目生情觸塵成滯雖了無生之義其力未充不可執云我已悟了煩惱性空若起心修却為顛倒然則煩惱性雖空能令受業業果無性亦作苦因苦痛雖虛祇麼難忍如遭重病病亦全空何求醫人偏服藥餌故知言行相違虛實可驗但量根力不可自謾察念防非切宜仔細問老子亦演行門仲尼大興善誘云何偏讚佛教而稱獨美乎答老子則絕聖棄智抱一守惟以

清虛澹泊為生務善嫉惡為教報應在一生之內保守惟一身之命此並寰中之近唱非象外之遐談義乖兼濟之道而無惠利也仲尼則行忠立孝聞德垂仁惟敷世善未能忘言神解故非大覺也是以仲尼答季路曰生與人事汝尚未知死與鬼神余焉能事此上二教並未逾俗柱猶局塵籠豈能洞法界之玄宗運無邊之妙行乎問佛行無上衆哲所尊儒道二教既盡欽風云何後代之中而有毀謗不信者何答儒道仙宗皆是菩薩示助揚化同讚佛乘老子云吾師號佛覺一切民也西昇經云吾師化遊天竺善入泥洹符子云老氏之師名釋迦文列子云商太宰嚭問孔丘曰夫子聖人歟孔子對曰丘博識強記非聖人也又問三王聖人歟對曰三王善用

智勇非聖人也又問五帝聖人歟對曰五帝善用仁義亦非丘所知又問三皇聖人歟對曰三皇善任因時亦非丘所知太宰嚭大駭曰然則孰為聖人夫子動容有言曰丘聞西方聖者焉不治而不亂不言而自信不化而

四  
第五

自行蕩蕩乎民無能名焉吳書云吳主孫權問尚書令闢澤曰孔丘老子得與佛比對以不闢澤曰若招孔老二家比較遠方佛法遠則遠矣所以言者孔老設教法天制用不敢違天諸佛設教諸天奉行不敢違佛以此言之實非比對明矣吳主大悅用闢澤為太子大傅起世界經云佛言我遺二聖者往震旦行化一者老子是迦葉菩薩二者孔子是儒童菩薩明知自古及今但有利益於人間者皆是密化菩薩惟大士之所明非常情之所

五

測遂使寡聞淺識起謗如煙並是不了本宗妄生愚執事老君者則飛符走印煉石燒金施醮祭之鯤鷀習神仙之誑誕入孔門者志乖淳朴意尚浮華驕鶻之狂才擅蜘蛛之小巧此皆違背先德自失本宗斯人不謗焉

顯其深下士不笑寧成其道是以佛法如海無所不包至理猶空何門不入衆哲冥會千聖交歸真俗齊行愚智一照開俗諦也則勸臣以忠勸子以孝勸國以紹勸家以和弘善示天堂之樂懲非顯地獄之苦不惟一字以為禳豈止五刑而作戒敷真諦也則是非雙泯能所俱空收萬像為一真會三乘歸圓極非二諦之所齊豈百家之所及問道無不在真性未移有佛無佛性相當住此即一體三寶常現世間何用金檀刻像竹帛書經剃髮

出塵以為三寶卷上根玄解何假相施中下  
鈍機湏憑事發不現正相但染邪風祇如此  
土像教未來惟興外道因知真偽莫辨靈蹤  
伏自漢明夢現金身吳帝瑞彰舍利爾後國  
王長者方知歸敬之門哲士明人頽曉棲神

之地是知迹能顯本相可通真因筌得魚理  
事無廢是以木母變色金像舒光道藉人弘  
物由情感能生淨種敬假像而開心不結信  
緣遇真儀而不見是以迷之則本末咸喪了  
之則真假俱通若驗斯文奚生取捨或廣興

供養發大志誠意業功深修因力大是以貧  
女獻潘濱而位登支佛童子進土炒而福受  
輪王問因緣義空自他無性涅槃生死一體  
無殊如何行慈廣垂攝化答雖人法本空彼  
我虛寂而衆生迷如夢所得都不覺知善薩

興悲而示真實大般若經云佛告善現應知  
有情雖自性空遠離衆相而有雜染清淨可  
得起信論云雖念諸法自性不生而復不生  
因緣和合善惡之業苦樂等報不失不壞雖  
念因緣善惡業報而亦即念性不可得是以

觀緣起而不住涅槃了性空而不住生死問  
西天九十六種外道各立修行之門勤苦兢  
兢非無善業云何報盡還入輪迴不得解脫  
答未達無生正理惟修生滅有因起貪著之  
心懷希望之意以苦捨苦從迷積迷勸勗昇

沉輪迴莫已蒸砂之喻足可明之間非惟外  
道修善不得解脫依內教修亦有不得道者  
何耶答皆為有我故不得斷結凡作之時皆  
云我能作隨境所得住著因果若了二無我  
理證解一心不動塵勞當處解脫問正作之

時云何了無我答所作之時從緣而起以有  
施為而無主宰所出音聲猶如風鐸隨機轉  
動惟似木人但依業力所為而無我性可得  
四大聚散生滅隨緣乃至六趣受身亦復如  
是實無有人而能來往華嚴經云如機關木

釋五

七

人能出種種聲彼無我非我業性亦如是論  
云因緣故生天因緣故墮地獄若言是我非  
因緣者作惡何不生天乃墮地獄耶我豈愛  
彼地獄受苦耶我既作惡而不受樂者故知  
善惡感報惟是因緣非是我也而衆生於無  
我無作之中妄認我作強為其主不知是識  
所為決定無有作者外道皆稱執作悉有神  
我若無神我誰為所作智論破云心是識相  
故自能使身不待神也如火性能燒物不假  
人唯識論云諸所執實有我體為有思慮為

無思慮有思慮應是無常非一切時有思慮  
故無思慮如虛空不能作業亦不受果故所  
執我理俱不成由此故知定無實我但有諸  
識無始時來前滅後生因果相續由妄熏習  
似我相現愚者於中妄執為我又無我者即  
是無性性即是體體是生質義凡有一法皆  
從衆緣所成實無本體以無體故空是以衆  
生於性空中執為實有內則為我所羈外則  
為塵所局所以修行不出心境及至得果不  
離所因昇降雖殊常繫諸有互為高下終始

輪迴衆患所生我為其本問既萬法無體本  
來自空云何復有諸法建立答祇為空無體  
性而從緣生若有自體即不假緣生既不從  
緣生即萬法有其定體若立定相即成常過  
善惡不可改移因果遂成錯亂為惡應生天

為善應沉淵以無因故作善應無福作惡應無罪以無果故是以萬法無體無定但從緣現以緣生故無性諸法皆空以無性故緣生諸法建立故華嚴經明菩薩於無自性中建立一切佛事是以因空立有有無自名從有

辨空空無自體問現見諸法發生云何無性

答即生無生所以無性若云有生為復自生爲他生為共生為無因生若云自生譬如自身若非父母云何得生故云此身即父母之遺體以過去業為內因託父母體為外緣內外因緣和合而有即非自生或云他生者若無宿業自因終不託胎皆從自業而有譬如外具水土若無種子決定不生若共生者因假緣成何有自體之用緣從因起而無外助之能因緣各無和合豈有如一砂無油和衆

砂而非有一盲不見聚群盲而豈觀若無因生者即石女生兒龜毛作拂有因尚無無因豈有又從有因而立無因有因既無無因亦絕但了自他兩句無生則四句皆破既無自他將誰作和合及以無因有四句自然宴寂

是知無主之生幻相宛爾生之無生真性湛然故金剛三昧經云因緣所生義是義滅非生滅諸生滅義是義生非滅問既一切諸法無性無生云何衆生執著境緣而受實報答祇爲不了無性迷爲實有所以受其實報如

達其性空即不生貪著既不耽著任運施爲不住其因終不受果故經云心生種種法生又云一切惟心造若心不起外境常虛了境性空其心自寐妄心既寐幻相何生心境俱冥自然合道華嚴經云眼耳鼻舌身心意諸

情根一切空無性妄心分別有又云世間一切法但以心為主隨解取衆相顛倒不如實問既受實報云何言一切空者分明云衆生自妄認為實其性常空雖受苦樂厭愛情生人法俱空一無所得猶如夢見好惡欣感盈懷及至覺來豁然無事覺來非有夢裏非無既習顛倒之因不無虛妄之累問妄心幻境為復本無從今日無妄心境本無問既是本無衆生云何不得解脫答本來無縛云何稱鮮祇為不達本無妄生今有從無始際熏習

之力不覺不知隨業而轉雖在業拘性常清淨問如何得究竟清淨答此有二義一者了其本無得自性清淨二者淨其妄染得離垢清淨本性既淨妄念不生二障雙消三輪廓徹契本明源種現俱寂問佛道遐昌凡聖同

稟何乃興替不定而有壞者乎答夫萬物有遷三寶常住寂然不動感通而化非初誕於王宮不長逝於雙樹若衆生福薄則佛事冰消若國土緣深則梵刹雲聳在人自生得喪非法而有盛衰故法華經云衆生見劫盡大火所燒時我此土安隱天人常充滿問既讚衆善報應非虛云何有勤苦求者全無慰證答修善之人自有明顯二益法華玄義四句料簡一冥機冥應若過去善修三業現在未運心口藉往善力此名為冥機雖不見靈

應而密為法身所益不見不聞非覺非知是名冥益應身應是顯應法身應是冥應二冥機顯益過去植善而冥機已成便得值佛聞法現前獲利是為顯益如初佛出世最初得度之人現在何曾修行諸佛照其宿機自往

度之三顯機顯益現在身口精勤不懈而能感降道場禮懾能感靈瑞四顯機冥益如人雖一世勤苦現善濃積而不顯感冥有其利若解四意一切低頭舉手福不虛棄終日無感終日無悔矣問或有一生修善現繫惡報

部三

終日造惡目覩吉昌者何咎業通三世生熟不定又通三報厚薄相傾西天第十九祖師鳩摩羅多云前生修功德而致強半功有少破壞故廻心修惡行罪業少功德亦死先受福正受快活時心佞性安樂忽降諸衰惱其家漸殘破承彼先惡業相續致於此非是今修福而招斯惡報又曰前世作惡業其罪強半功忽遇一智者而教修福德福德雖修已其善未過彼功德少於罪亦死生貧窮心不敬信佛亦不重三寶如是過半已其家漸富

有資生多財帛承彼先善業相續致於此非是今作惡而招斯善報論云今我疾苦皆由過去今生修福報在當來若見喜殺長壽好施貧窮能信斯言不生邪見若不解此憂悔失理為徒功衆計善惡無徵但修善之時一心不退既不間斷福累長新祇慮中途自生遮障識達賢士曉斯旨焉問惡能掩善則禍起而福領善能排惡則障消而道現何乃或有從生積善反受其殃及蕭梁武帝歸憑三寶一朝因斃全無靈祐者何舉世咸疑請消

餘滯咎前明業通三世事已昭然今重決疑有其三義一者是諸佛菩薩示現施爲隨順世間同其苦樂千變萬化誘引勞生或居安而忽危示物極即反或處榮而頓弊現盛必有衰令耽榮者悟世無常使持祿者知生有

限潛消貪垢巧洗情塵示正示邪或逆或順  
斯乃密化之秘術非凡小之所知二者善惡  
無定果報從緣業力難思勢不可遏故涅槃  
經云業有三報一現報現作善惡現受苦樂  
二生報今生作業來生受果三後報或今生

作業過百千生方受其報又經云有業現苦  
有苦報有業現苦有樂報有樂現樂有樂報  
有業現有樂有苦報或餘福未盡惡不即加  
或宿殃尚在善緣便發又若善多惡少則先  
受樂而後受苦則福盡禍生或善少惡多則  
先受苦而後受樂則灾消慶集此皆並是後  
報善惡業熟今生善力難排斷結證聖尚還  
宿債如師子比丘一行禪師等豈況業繫凡  
夫寧逃此患三者或善根深厚修進堅牢決  
志無疑誓過金石則現受輕報能斷深懲故

經云今生作惡少爲善多則迴地獄重而現  
世輕或作善少爲惡多則迴現世輕而地獄  
重乃至純善修行之人現世暫時頭痛則減  
百千萬劫地獄之苦是以菩薩發願云願得  
今生償不入惡道受苦作惡之人雖現安樂

果在阿鼻積劫燒然受苦無間又復修行力  
至將出輪迴臨終之時雖受微苦無始惡業  
一時還盡如唐三藏法師九世支那爲僧福  
德智慧常稱第一大弘聖教廣演佛乘利濟  
無邊殊功罕測及至遷化之時卧疾房中瞻

第五

十一

病僧明歲禪師見有二人各長一丈共捧一  
白蓮華至法師前云師從無始已來所有損  
惱有情諸有惡業因今小疾並得消滅應生  
欣慶法師顧視合掌遂右脇而卧弟子問云  
和尚決定得生彌勒內院不報云得生言訖

氣息漸微奄然神逝若明如上三義方為知  
因識果之人或昧斯文終生疑謗問夫修善  
應純云何造惡既能造惡何用善乎若善惡  
齊行恐虛功力答若出家菩薩無諸障閻應  
純修善直至菩提如在家菩薩事業所拘未

邵五

十三

得純淨傍興善道以為對治夫業難頓移惡  
非全斷漸積功德以趣菩提若更積惡不修  
惡無有盡湏行善業以奪惡因譬喻經云昔  
有國王出射獵還過寺繞塔爲沙門作禮群  
臣共笑之王乃覺知問群臣曰有金在釜金

中湯沸以手取金可得不答曰不可得王言  
以冷水投中可取得不臣白王言可得也王  
言我行王事射獵所作如湯沸燒香焚燈繞  
塔如持冷水投沸湯中夫王作有善惡之行  
何故但有惡無善乎問在家菩薩亦許純修

善不眷若志苦心堅一向歸命如鹿在網若  
火燒頭惟求出離之門不顧人間之事自古  
及今亦多此等譬喻經云昔有國王大好道  
德常行繞塔百市未竟邊國王來征伐欲奪  
其國傍臣大恐怖即白王言置斯旋塔以禳  
重寇王言聽使兵來我終不止心意如故繞  
塔未竟兵散罷去夫人有一心定意無所不  
消也是以河岳不靈惟人所感但能志到無  
往不從至於冰池躍鱗寒林抽筭故非神力  
之所為也問若廣修萬善皆奉慈門但稟真  
詮有妨世諦則虜國廢其治國在家關於成  
家雖稱利人未得全羨答佛法衆善普潤無  
邊力濟存亡道含真俗於國有善則國霸於  
家有善則家肥所利弘多為益不少所以書  
云積善之家必有餘慶積惡之家必有餘殃

又云行善降之百祥為惡降之百殃宋典文  
帝以元嘉中問何侍中曰范泰謝靈運云六  
經本是濟俗若性靈真要則以佛經為指南  
如其率土之濱皆純此化則吾坐致太平也  
侍中對曰夫百家之鄉十人持五戒則十人

聖

古

淳謹千室之邑百人修十善則百人和厚傳  
此風訓已遍宇內編戶千萬則仁人百萬夫  
能行一善則去一惡去一惡則息一刑一刑  
息於家萬刑息於國陛下所謂坐致太平也  
是以包羅法界徧滿虛空一善所行無往不  
利則是立身輔化匡國保家之要軌矣若以  
此立身無身不立以此匡國無國不匡近福  
人天遠階佛果問所修萬善以何為根本乎  
答一切理事以心為本約理者經云觀一切  
法即心自性成就慧身不由他悟此以真如

觀真實心為本約事者經云心如工畫師能  
畫諸世間五蘊悉從生無法而不造此以心  
識觀緣慮心為本真實心為體緣慮心為用  
用即心生滅門體即心真如門約體用分二  
惟是一心即體之用用不離體即用之體體

不離用開合雖殊真性不動心能作佛心作  
衆生心作天堂心作地獄心異則千差競起  
心平則法界坦然心凡則三毒縈纏心聖則  
六通自在心空則一道清淨心有則萬境縱  
橫如谷應聲語高而響大似鏡鑑像形曲而  
影邪以萬行由心一切在我內虛外終不實  
內細外終不麤善因終值善緣惡行難逃惡  
境蹈雲霞而飲甘露非他所披卧煙燄而散  
體血皆自所為非天之所生非地之所出祇  
在最初一念致此昇沉欲外安和但內寧靜

都五

十五

心虛境寂念起法生水濁波昏潭清月朗修行之要靡出於斯可謂衆妙之門群靈之府昇降之本禍福之源但正自心何疑別境經云為善福隨履惡禍追響之應聲善惡如音非天龍鬼神所授非先禰後裔所為造之者

惟心成者身口矣佛說偈曰心為法本心尊心使中者念惡即言即行罪苦自追車礲于轍心為法本心尊心使中心念善即言即行福樂自追如影隨形華嚴經云智首菩薩問文殊師利云何得無過失身口意業乃至為上為無上為等為無等等文殊師利答言佛子若諸菩薩善用其心則獲一切勝妙功德密嚴經云如地無分別庶物依以生藏識亦如是衆境之依處如人以己手還自摩挱身亦如象以鼻取水自沾沐復以諸嬰兒以口

舍其指如是自心內現境還自緣是心之境界普偏於三有久修觀行者而能善通達內外諸世間一切惟心現以此之言豈止萬善之本乃至有情無情凡聖境界虛空萬像悉為其本亦云無住為本本利道生斯之謂矣

問萬行之源以心為本助道門內何法為先答以其真實正直為先慈悲攝化為道以正直故果無迂曲行順真如以慈悲故不墮小乘功齊大覺以此二門自他兼利問前明先知正宗偏行助道今萬行門中以消疑滯未審以何為宗言答佛法本無定止但隨入處明見心性權名為宗問以何方便而得悟入答有方便門應須自入問豈無指示答見性無方云何所指實非見聞覺知境界問既無所指明見之時見何物答見無物問無物如

何見答無物即無見無見是真見有見即隨  
塵問若然如是教中佛云何亦說見答佛隨  
世法即是不見見非同凡夫執為實見究竟  
而論見性非屬有無湛然常寂問畢竟如何  
答湏親省察問前云心外無法云何稱有見

部五

十六

即隨塵答一切色境皆是第八識親相分現  
量所得實無外法眼見色時未生分別刹那  
轉入明了意識分別形像作外量解遂執成  
塵境問此境何識所現答塵以識所現內識  
變起似塵而現如鏡中見自面像非他影現  
唯識論云內識轉似外境我法分別熏習力  
故諸識生時變自我法此我法相雖在內識  
而由分別似外境現諸有情類無始時來緣  
此執為實我實法如幻夢者幻夢力故心侶  
種種外境相現內識所變侶我似法雖有而

部五

十七

非實經云由自心執著心似外境轉彼所見  
非有是故說惟心此由約事而論說為識變  
若深達真如一切諸法本來不動即心自性  
亦非待變問此塵與識從何而立答謂由名  
言熏習種子而得建立實無其體而似有義  
相貌顯現如幻物等因名立法因法建名名  
中無法法中無名無體互成有相俱寂問此  
識既不立何識為宗答諸識亦無畢竟所歸  
約極權論惟一真性此亂識為遣境故立境  
消識謝能所俱亡惟一真識即是實性三無  
性論云先以亂識遣於外境次阿摩羅識遣  
於亂識究竟惟一淨識問理事無闇萬事圓  
修何教所宗何諦所攝答法性融通隨緣自  
在隨舉一法萬行圓收即華嚴所宗圓教所  
攝若六度萬行成佛度生雖淨緣起皆是諦

所收若發明本宗深窮累海則理智俱亡言心路絕問此集所陳有何名目若問假名數乃恒沙今畧而言之總名萬善同歸別開十義一名理事無闇二名權實雙行三名二諦並陳四名性相融即五名體用自在六名

空有相成七名正助薰修八名同異一際九名修性不二十名因果無差問名因義立義假名詮既立假名其義何述答第一理事無闇者理則無為事則有為終日為而未嘗有為終日不為而未嘗無為為與無為非一非異同法性源等虛空界若云是一仁王經說諸菩薩有為功德無為功德皆悉成就若但是一不應說有二種功德若云是異般若經云不得離有為說無為不得離無為說有為是以理事相即非斷非常起滅同時無闇雙

現第二權實雙行者實則真際權則化門從真際而起化實外無權因事跡而得本權外無實常冥一旨無闇雙行遮照同時理量齊現第三二諦並陳者諸佛常依二諦說法何以故俗是真詮了俗無性即是真諦故云若不得俗諦不得第一義所以真不待立而常現俗不待違而自空二諦雙存如同波水水窮波末波水同時波徹水源動濕一際第四性相融即者無量義經云無量義者從一法生所言法者即是真心從一真心具不變隨緣二義不變是性隨緣是相性是相之體相是性之用以不了根源則妄生諍論如今毀相者是不識心之用毀性者是不識心之體若能融通取捨俱息第五體用自在者體即法性之理用乃智應之事舉體全用用即非

一舉用全體體即非異即體之用不閼用即用之體不失體所以一味雙分自在無閼第六空有相成者且夫一切萬法本無定相互成互壞相攝相資空因有立緣生故性空有假空成無性故緣起因義顯別隨見成差迷

第五

九

之則萬狀不同悟之則三乘不異何者且如有之一法小乘見是實色初教觀為幻有終教則色空無闇以空不守自性隨緣成諸有故頓教見一切色法無非真性圓教見是無盡法界若如是融通即成真空妙有有能顯萬德空能成一切第七正助兼修者正即是主助即是伴因伴成主無助即正終不圓從主得伴無正則助無由立是以主伴相成正助兼備亦是止觀雙運隱顯互興內外更資乘戒兼急第八同異一際者同則據理不變

異則約事隨緣所以不變故乃能隨緣隨緣故所以不變祇為不異而成異事不同而立同門若異則壞於異以失體故若同則不成同以無用故所以同無同而異異無異而同各執即落斷常雙融即成佛法故經云奇哉世尊於無異法中而說諸法異第九修性不二者本有曰性非後觀成今顯曰修因智而現由修顯本有之性因性發今日之修全性成修全修成性修性無二因緣似分第十因果無差者因從果起果滿則乃成因果遂因

生因圓則能立果事分前後理即同時相助相酬業用無失問此集所申當何等機但何等利各自他兼利頓漸俱收自利者助道之圓門脩行之玄鏡利他者滯真之皎日二見之良醫頓行者不違性起之門能成法界之

行漸進者免廢方便之教終歸究竟之乘若信之者則稟佛言若毀之者則謗佛意信毀交報因果歷然略述教海之一塵普施法界之含識願弘正道用報佛恩頌曰

菩提無發而發 佛道無求而求 妙用無行而行

真智無作而作 與悲悟而同體 行慈深入無緣

無所捨而行檀 無所持而具戒 脩進了無所起

習忍達無所傷 般若悟境無生 禪定知心無住

鑒無身而具相 證無說而談詮 建立水月道場

莊嚴性空世界 羅列幻化供具 供養影響如來

懺悔罪性本空 勸請法身常住 迴向了無所得

隨喜福等真如 讚歎彼我虛玄 義願能所平等

禮拜影現法會 行道足躡真空 焚香妙達無生

誦經深通實相 散華顯諸無著 彈指以表去塵  
施為谷響度門 修習空華萬行 深入緣生性海

常遊如幻法門 誓斷染塵勞 願生惟心淨土  
履踐實際理地 出入無得觀門 降伏鏡像魔軍  
大作夢中佛事 廣度如化含識 同證寐滅菩提

萬善同歸集卷第六